

Na osnovu člana 23 Statuta Brčko distrikta BiH – prečišćeni tekst ("Sl. glasnik Brčko distrikta BiH", broj 19/06), Skupština Brčko distrikta BiH na 40. sjednici, 30. januara 2007. godine, usvaja

Z A K O N

o izmjenama i dopunama Zakona o Poreznoj upravi Brčko distrikta BiH

Član 1

U članu 1 stav 1 Zakona o Poreznoj upravi Brčko distrikta BiH ("Sl. glasnik Brčko distrikta BiH", brojevi: 3/02, 42/04 i 8/06) mijenja se i glasi:

(1) "Ovim zakonom uređuje se mjesto i uloga Porezne uprave Brčko distrikta BiH (u daljnjem tekstu: Uprava) kao organizacione jedinice u Direkciji za finansije Brčko distrikta BiH (u daljnjem tekstu: Direkcija), njen djelokrug rada, ovlaštenja, odgovornosti i druga pitanja vezana za njeno funkcionisanje i osnov za provođenje zakona iz oblasti poreza i na zakonu zasnovanih podzakonskih propisa, te definišu prekršaji i sankcije iz oblasti poreza. Uprava je odgovorna za provođenje zakona putem utvrđivanja kontrole i prinudne naplate poreza, doprinosa, taksi i drugih obaveza utvrđenih zakonom i drugim propisima kao i za vršenje drugih poslova utvrđenih ovim zakonom. "

Član 2

Član 2 mijenja se i glasi:

"Porezna uprava ima okrugli pečat s tekstem: Bosna i Hercegovina Brčko distrikta Bosne i Hercegovine, Direkcija za finansije Brčko distrikta Bosne i Hercegovine, Porezna uprava, kružno ispisan ćiriličnim i latiničnim pismom s grbom Bosne i Hercegovine u sredini "

Član 3

Član 5 mijenja se i glasi:

- (1) «Upravom» kao organizacionom jedinicom Direkcije rukovodi direktor.
- (2) Direktor Uprave je ovlašten da donosi rješenja u upravnom postupku koji se vodi u ovoj upravi.

Član 4

Član 6 mijenja se i glasi:

"Direktor uprave je za svoj rad i rad uprave odgovoran direktoru Direkcije“.

Član 5

Član 7 mijenja se i glasi:

(1) "Uprava je obavezna sačinjavati mjesečne izvještaje o radu i dostavljati ih direktoru Direkcije."

Član 6

U članu 9, stavu 1, u tački 9 riječ: "donosi" zamjenjuje se riječju: "predlaže".

Član 7

U članu 11 stavovi 3 i 4 se brišu:

Član 8

U članu 14, stavu 1, tački 3 tekst iza riječi " kontrola" se briše.

Član 9

U članu 32, stavu 1, iza riječi „privremeno“ dodaju se riječi „ili trajno“, u stavu 3 iza riječi „prekršaju“ dodaju se riječi „ili prekršajnog naloga“.

Član 10

U članu 59 stav 1 se briše, tako da stav 2 postaje stav 1.

Dodaje se novi stav 2 koji glasi:

(2) "Porezna obaveza kod nesolventnog poreznog obveznika se briše iz evidencije naplativih obaveza nakon provođenja mjera prinudne naplate predviđenih ovim zakonom".

Član 11

U članu 78 stav 2 se briše, tako da stav 3 postaje stav 2, stav 4 postaje stav 3.

U stavovima 2 i 3 tekst iza riječi "1.000 KM" se briše.

Član 12

U članu 80 dodaje se novi stav 4 koji glasi:

(4) „Građanin će biti kažnjen za prekršaj iz stava 1 ovog člana novčanom kaznom od 100 KM do 300 KM“.

Član 13

U članu 87 stav 1 mijenja se i glasi:

(1) Gradonačelnik donosi pravilnike i druge opće akte za provođenje ovog zakona na prijedlog direktora Direkcije, a najkasnije u roku od 30 dana od dana stupanja na snagu Zakona.

U stavu 2 riječ: „Uprave“ zamjenjuje se riječju: „Direkcije“.

Član 14

Član 89 se briše.

Član 15

Član 90 postaje član 89.

Član 91 postaje član 90.

Član 16

Ovaj zakon stupa na snagu danom donošenja, a primjenjivat će se danom donošenja izmjena Statuta Brčko distrikta BiH kojim se osnivaju institucije navedene u ovom zakonu, bilo da su te izmjene donesene odlukom Skupštine Distrikta ili na neki drugi način.

Broj: 0-02-022-2/07

Brčko, 30. januar 2007. godine

PREDSJEDNIK
SKUPŠTINE BRČKO DISTRIKTA BiH

Prof. dr. Milan Tomić